



Publicaziuns dalla vischnaunca, jamna 5

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2014 – 1051.000

Pendicularas Mustér SA, Via Acletta 2, 7180 Disentis/Mustér; engrondaziun dall'ustria a Caischavedra cun adattaziuns internas dil baghetg, parcella 2932, Caischavedra, 7180 Disentis/Mustér.

Disentis/Mustér, ils 27 da schaner 2015
Uffeci da baghegiar Disentis/Mustér

Midadas da maun – Negina publicaziun pli

La Regenza grischuna ha mess en vigur cun l'entschatta 2015 la revisiun parziala dalla lescha introductiva tiel cudisch civil svizzer.

Sebasond sin art. 146c da quella lescha vegnan las midadas da maun buca pli publicadas sin tabla nera, mobein egl internet. El decuors da 2015 endrezza igl inspectorat cantunal dil register funsil e register da commerci in survetsch d'informaziun sur il portal da geoinformaziun grischuna (www.geo.gr.ch).

Bien engraziament per la capientscha.
Administraziun communal

Alarm d'emprova 2015

Tenor comunicaziun digl Uffeci da militar e da protecziun civila dil Grischun ha liug en l'entira Svizra

**mesjamna, ils 4 da fevrer 2015,
allas 13.30/13.45 alarm general
allas 14.15/14.50 alarm d'aua**

Ei setracta d'alarms d'emprova tier ils quals ei vegn examinau d'ina vart sche las si-renas funcziuneschan e da l'autra vart vegn dau la pusseivladad d'emprender d'enconuscher ils differents tuns d'alarm.

Alarm general

Cun quei alarm vegn la populaziun alarmada en cass da prighel smanatschont. Il signal «alarm general» ha in tun che crescha e sbassa e che cuoza ina minuta. Aschinavon ch'il signal «alarm general» avisescha *ordeifer igl alarm d'emprova*, lu significhescha quei ch'ina periclitaziun dalla populaziun ei pusseivla. En quei cass vegn supplicau la populaziun da tedlar radio, da suandar las ordinaziuns dallas autoritads e d'informar ils vischins.



Alarm d'aua

Igl alarm d'aua vegn menaus atras allas 14.15 ed allas 14.50. In tun bass interruts regularmein che cuoza sis minutas. La populaziun sto interprender neginas mesiras. Igl alarm d'aua vegn ins ad udir mo el territori nua ch'ei sesanfla lags da fermada. Dils plans cul territori periclitau sa vegnir priu investa tier l'administraziun communal.

Aschinavon ch'il signal «alarm d'aua» avisescha *ordeifer igl alarm d'emprova*, lu significhescha quei ch'ina periclitaziun dalla populaziun ei pussevla. En quei cass vegn supplicau da bandunar immediat il territori periclitau.

Ulteriuras indicaziuns e reglas ein d'anflar sin teletext, pagina 662 ed era egl internet www.sirenentest.ch.

Bien engraziament per Vossa capientscha.
Suprastonza communal Disentis/Mustér

Entradas dallas casadas Lavurs da mesiraziun

En connex cun la registraziun dallas datas dalla mesiraziun funsila ei il geometer vegnius incaricaus d'eruir las coordinatas exactas dallas entradas dallas casadas sigl entir territori dalla vischnaunca da Mustér. Quellas lavurs succedan en collaboraziun cugl uffeci da baghegiar. El decuors dallas proximas jamnas vegnan ils collaboraturs dil menaschi tecnic a mesirar las entradas (eschscasa) dallas casas sin fundament da puncts da referenza existents (cantun dalla casa). Las lavurs ein cumbinadas cun negins disturbis.

Bien engraziament per Vossa capientscha.

Disentis/Mustér, ils 26 da schaner 2015
Uffeci da baghegiar Disentis/Mustér

Taglia da tgauns 2015

Naven **d'immediat entochen la fin fevrer 2015** san las marcas da tgauns vegnir retratgas tier l'administraziun communal.

La taglia da tgauns munta pigl emprem tgaun frs. 120.–, per mintg'ulteriur tgaun ella casada frs. 180.– per onn. Per scadin tgaun sur treis meins che vegn tenius sin territori dalla vischnaunca ei da pagar ina taglia. Tgauns da polizia, da lavinas, per tschocs e suords ein deliberai dalla taglia, ston denton purtar la marca da tgauns.

Nus supplichein da comunicar all'administraziun communal midadas, q.v.d. tals che han retratg 2014 ina marca da tgauns ed han buca pli il tgaun, ni novs possessurs da tgauns.

Naven dils 1-1-2007 ston tuts tgauns esser marcai cun in microchip ni cun ina tetovaziun bein veseivla. Il tgaun sto era esser registraus tier la Animal Identity Service AG (Anis), Berna. Nus supplichein tut ils possessurs da tgauns da risguardar quellas prescripziuns.



Plinavon fagein nus attents Vus sin suandontas prescripziuns:

Cuors da tgauns – cuors obligatori.

Cuors teoretic, artechel 68 alinea 1, ordinaziun davart la protecziun d'animals

Tgi che ha aunc mai possediu in tgaun ei obligaus d'absolver il cuors teoretic avon che cumprar in tgaun. Quei vala per mintga possessur da tgauns che sa buca demussar ch'el ha gia possediu in tgaun avon ils 1-9-2008.

Cuors practic, artechel 68 alinea 2, ordinaziun davart la protecziun d'animals

Enteifer igl emprem onn da cumpra sto mintga possessur cumprovar il mussament dil cuors practic. Quei vala per mintga tgaun che vegn ni ei gia vegnius cumpraus suenter ils 1-9-2008. Quei cuors sto vegnir absolvius cun mintga niev tgaun.

Igl attest dil cuors sto vegnir presentaus tier la retratga dalla marca da tgauns per igl onn 2015.

Ulteriuras informaziuns anfleis Vus sut www.bvet.admin.ch ni sut www.fludog.ch.

Administraziun communal

Controlla da habitonts

Mortori

Isidor Caminada, naschius igl 1. d'uost 1931, morts ils 24 da schaner 2015.

Gidontras e gidonters per la Cuorsa dil Rein

Nus duvrein Tiu agid! Has Ti gust e temps da segidar al di dalla otgavla ediziun dalla Cuorsa dil Rein che ha liug dumengia, ils 7 da zercladur 2015? Tias lavurs ein buca stentusas, mo per nus da grond nez. E vitier dat ei aunc in regal ed in puschegn! Fuss quei enzatgei per Tei? Informaziuns ed annunzias sas Ti far cun in e-mail ad info@cuorsadilrein.ch ni cun in telefon alla numra 081 947 47 32. Engraziel fetg gia ordavon!

OK la Cuorsa dil Rein

Secziun da catschadurs Péz Alpetta

Radunonza generala

Venderdis, ils 30 da schaner allas 20.15 el hotel «Alpsu».

Cordialmein envida
la suprastonza



Uniun da dunnas Mustér

Preavis

La **radunonza generala** dall'uniun da dunnas ha liug **mesjamna, ils 25 da mars 2015** allas 19.30 el hotel Alpsu.

Per la suprastonza
Fabiana Candinas

Evelyne Binsack im Disentiser Klosterforum

Am **Mittwoch, 4. Februar 2015**, begegnen wir um 20.30 Uhr im Peter-Kaiser-Saal des Klosters Evelyne Binsack, Bergführerin, Helikopterpilotin, Abenteurerin, Buchautorin. Das iema des Vortrags lautet: «Wo sich Himmel, Erde und Mensch berühren». 2001 stand sie als erste Schweizerin auf dem Mount Everest. Eintritt frei. Kollekte zur Deckung der Unkosten .

Herzliche Einladung
P. Urban Affentranger

Lotto Chor baselgia Segnas

Preavis

Sonda, ils 2 da matg 2015 organischescha il Chor baselgia Segnas in lotto el Center da sport e cultura a Disentis/Mustér.

Nus supplichein uniuns ed organisaziuns da risguardar quei termin e selegrein gia oz da Vossa viseta.

CO Lotto Chor baselgia Segnas

Uniun da dunnas Mustér

Mummas cun affons pigns Seruschnar–Paterlar–Termagliar

Tut ils affons da 0 entochen 3 onns cun lur mummas ni babs e fargliuns ein cordialmeins beinvegni, gliendisdis, ils 9 da fevrer 2015 dallas 9.00–11.00 per passentar in bi avonmiezdi da cumpignia el local Artgin.

Per damondas ni sclariment statt Nathalie Lutz, tel. 081 947 61 94 bugen a disposiziun.

Mummas cun affons pigns Mustér



Uniun samaritana Mustér

Nies emprems exercezi meinsil digl onn niev ha liug, **gliendisdis, ils 9 da fevrer 2015** allas 19.30 en casa da scola, Cons.

Selegrond sin ina stedia participaziun envida
la presidenta